

Le done

Le done dovesi jesar piu apprezzade. Sempre criticade le ze. Se la porta una gonna troppo corta i dizi che la ze una facile, se la porta solo braghe i dizi che la ze solo mascio. Se la parla troppo la ze noiosa, se la sta zitta i dizi che la pensa de qualcos de brutto. Se la se trucca molto i dizi che la ze finta, se non la se trucca i dizi che la ze brutta. E poi i maschi. Quei loro schifosi oci che ti te li senti doso. Nianca camminar sola de notte ti pol senza paura che nu vien uno ubriago e che le stupri. So che ze un aromento non fazile de parlar. Ma se devi. Se devi perché nisun considera una dona come una persona. Tutti la considera come un ogeto fatto solo per soddisfar i bisogni de qualchedun. Menomal che nu ze tuto cusi negativo. E che ze quei omini che i rispetta una dona. Ghe da amor e attenzion. Ma perché me domando perché le done le devi jesar cusi criticade senza motivo. Non ga senso perché tutti le giudica per come le se comporta, come le se vesti. Parlando molto de done paso anche un poco a le ragazzine. Me spiasi veder ragazze come mi che le se copri solo perché qualcun ghe ga dito che le ze grasse. Solo perché quel omo ga dito cusi. Poi le scole che nu le lascia metterser una canotiera perché le ‘attira i oci de un mascio ma perché, perché una volta in vostra vita non ghe impare al vostro fiol de educarlo a rispettar una dona, anziche proteger tua fia. Una donna no la ze colpa per niente. Se ghe piazzi come la sembra che la se vesti come vol, perché un mascio dovesi dir qualcosa per come la ze. Da giorno in giorno vedo in giro e sento commenti del corpo de qualche dona. Li sento anche mi sfortunatamente. Si i me commenta il corpo. Me go comincia cusi bel fregar de cos i dizi de mi. Mi me piazzi e me sento bella a vestir quella maia corta che se vedi la panza. Ritornando al’argomento. Imparese a educar vostro fio. Perche se mai gavaro mia fia ghe diro de si cu la se metara quella gonna corta. Nu ghe proibiro a mia fia de vestirse come la vol. Perché nu ze giusto che una ragazza la se vesti come la vol e poi i pensa che la se ga vesti per qualcun apposta.